

梁畦樂先生詩集舊序

詩以道性情詩之所以傳也古今以詩名者多矣狀
三百篇後得風人之旨者獨推陶靖節由其中冲和雅
澹得性情之正若無意于詩而千古能詩者卒莫過
焉故能輕萬鍾芥千駟脩狀物表俯仰無慚豈非足
乎已而無待于外者乎是雖不必以詩名而誦其詩
者慨狀想見其爲人吾邑畦樂梁先生生元季蚤失
怙下董帷設絳帳資束修承歡母氏後以二子績學
制行膺政教之任長歷官翰林春坊次任溧陽學博

俱卓有聲望素佩先生之庭訓者也先生嗜恬澹屢
徵不赴就養官舍日與名公卿稱觴賦詩相樂也已
而嘆曰吾二兒頗稱任使可上報朝廷矣盍求吾之
所自樂乎仍歸休鄒溪濠梁之間有畦數畝可耕可
桑可漁可釀可濯而陰獨闢一軒日督諸孫問學其
中人非縫掖士不日來至有慕先生典範數來請益
者先生弗類倦勤誘以德義方正於聖賢之道靡弗
貫下至諸子百氏皆約通大要爲文章猶樂于詩歌
天氣爽朗時臨清坐茂望玉華武姥諸峯謳吟脩脩

朕以爲常蓋先生于詩自三百篇以還若蘓李枚乘
若建安若六朝以及盛唐諸名家無不涵泳融渚如
已素有而又志平而氣和識遠而思巧故見諸篇章
灑二焉穆穆焉簡寂者不失爲舒徐疎宕者必歸于
雅則優柔而確譏切而婉先生之于詩可謂至矣朕
緣趣而作既罷卽棄去間存其藁遇有愛重之者聽
持去不靳故雖詩名聞一時人咸以不得全見爲憾
士竒自幼聆先生之教間記所嘗誦記若干篇爲一
卷於乎世之不攷于古者衆矣先生敦用乎古者雖

不獨其詩而所以名諸人人者亦不待詩願自有可
名者而使聞先生之名因詩而求之以知其性情之
正則是篇烏可少哉烏可少哉是以僭冒叙之
洪武三十一年冬十月既望嫻家生楊士奇叙

畦樂先生詩集舊序終

梁畦樂先生文集序

夫泉蘊不湜安取芳冽本根不敦寔言榮華士君子
而身世不誠志行不得立又安所乎文采哉泰和有
前賢梁不移先生生于元世杪性固澹靜也而又以
世亂不足仕甘心教授弟子以養慈親明興而先生
老矣屢奉辟書並不就或勸之仕先生曰吾元人也
彼章縫子獨不當存志節哉世自聖其付與兇輩爲
之乎二兇分仕内外不欲傷孝養心並往來一就官
舍食曰此當與西山蕨有間矣朕後乃歸隱濠梁間

以終其志賦詩明道以暢厥天性集詩二百許首高
清超老無體不妙明初詩惟伯溫季迪無媿古人不
知又有出峙之不移在一名誤人千古于茲矣歲以
集本散落賢嗣孫廣文天清百計摭討全本與兩嗣
公泊菴坦菴先生原稿重刻行世而余以督學使者
會廣文具牒來請序夫督學茲土者率三歲一人數
百年來而余獨搯此一觚余何幸也

嚴陵詹惟聖題於南州公署



畦樂先生詩集目錄

歌詞

凡十首

五言古詩

凡一百三十二首

內闕七首

五言律詩

凡二十五首

排律

凡五首

七言律詩

凡三十九首

五言絕句

凡十首

七言絕句

凡十三首

畦樂先生詩集目錄終

畦樂先生詩集

歌詞

贈別

門有車馬客長揖別我歸客行歲云暮霜雪沾人衣
居人送客城南道北風獵獵吹沙草君今一去來何
時昨日相逢苦不早君當爲我歌我當酌君酒酒酣
拔劍起芒光射牛斗寶劍乃神物請君慎藏之土花
繡澁母足惜風雷變化湏有時

少年行

白馬羅衣裳照耀東城隅去年出塞歸西却南單于
朝立白玉堦暮宿青樓姝文臣何足羨奔走如泥塗
遠將歸
遠將歸歸來苦不早黃河西沒不復歸鐵衣在在眠
秋草遠將歸二來在何時明年二月桃花飛郎時歸
來妾下機便裁白紵縫春衣

寄劉昭

夕陽初下嶺雲長迴首西風古道傍鴻鴈不來音信
杳教儂何處覓劉郎教儂何處覓劉郎江水灣二江
路長昨在月明秋似水思君不見斷人腸

康節婦

令女無子有可依禽獸之行固匪爲節婦子幼姑且
老比諸夏氏尤艱危况以兵戈滿天地煎沛流離罔
不至丈夫志操尚陵夷薄俗紛朕不忠義夫人貞節
乃獨存豈徒令子仍賢孫我朝若求忠孝士他時必
在夫人門

送歐陽允堅遼東省兄

遼陽去家八千里阿兄荷戈渡遼水北風吹沙海濤

起千艘萬艘去如矢阿兄去時衣裳單氈帳在長衾
半寒我欲求兄一相見徂徠不愁道路難舍下妻孥
自相保春雨山田種須早假令海水平平可樹桑誓
不見兄不來鄉

贈袁彥通

袁郎二十非凡才廣眉清目何竒哉我來山中未相
識入門一見心眸開把臂登樓酌我酒六博行觴不
停手座間索客歌黃鍾馬上調弓剪青柳君家舊時
不可當與臺出入皆輝光乃知公侯如必復如君志
氣非尋常男兒困窮須自保袁郎母用傷懷抱君不
見東漢吳子顏十年返馬漁陽道

贈別蕭伯齡

子終弱冠青監趨廣眉秀目髯虬如峨冠衣講唐
虞金華文獻天下無道宗濂洛成巨儒先兄峨松垂
令譽子以郡博贊官居球琳砥硤形質殊朝磨夕琢
成佩璠人人足可膺時需大明天子龍飛初元正大
朝步天衢二親在堂六袞餘十年不見滄零祛退朝
歸覲來鄉閭入門群兒走且呼賓親過從日月虛難

弟買羊爲子屠綵衣升堂倒酒壺命我賦詩以相娛
忠君愛親難兩圖欲留不留心鬱紆兕曹亦以文學
拘自京一來看老夫只今西行人蜀都不愁畏途嶮
復嶮飄二自擬文翁俱子今母用長嗟吁

劉氏孝友堂

君家兄弟今所無堂顏孝友名非虛七袞壽母堂中
居閨門整肅嚴君如家人禮法莫敢疎金昆玉季丹
鳳雛綠衣編爛堂下趨左右更侍朝而哺墳箎迭奏
湛且孺孫男孫女前襟裾豕婦樨婦後婉媮慈顏有

喜成懽娛叔也鼓笈上京都擅名太學講唐虞前年
歸省榮鄉閭

天子選才需文儒豸冠白簡立玉除千鍾之祿養有
餘不用剖水求鯉魚四時甘旨登牢蔬人間此樂疇
能俱紫荊花發暮春初萱草葉齊雨露濡鸞迴錦誥
來天衢爲君升堂倒雙壺我歌此詩豈苟謏觀風有
使行當書

送人復往遼東

鎮東將軍度遼水健兒悉發良家子旌旆連屯四十

營秦莽芟除五千里城門大開高枕眠胡人不敢來
窺邊白鹽堆雪旋煑海綠麥翻雲新種田去時軍田
祇有馬只令牛羊遍原野舊說冰霜苦早寒只今天
氣如中夏子從去年遼東來令嚴不敢久徘徊錦袍
重重厚裝束樓舡嗷嘈天際開臨行莫作刺刺語男
兒功名須自取詔書早晚征高麗手擊蕪文獻
聖主

挽吳主簿詞

侯登庸兮龍飛初

皇心悵悵兮治之圖侯蒞我兮我以符弱之植兮強
之鉏生理遂兮租罔或逋弗違寧處兮侯云痛枳棘
剪兮鸞鳳徂我始聞之涕漣如深山窮民走且呼陽
靈匿兮天歆瞞魂杳杳兮征修途侯乎侯乎世所無
侯之生兮我無苟趨侯之沒兮我非空譽噫吁戲兮
云何盱

五言古詩

南有楫櫟林 五十韻

南有楫櫟林縷絡藤蔓纍霜雪嚴寒冬柯葉青紛披

於焉營我巢雌雄獲因依拮据巢苟完飄搖幾弗持
嘿嘿口在箝脩脩尾成雛焚籠不見叔舅羅罕蒙施
以茲其索莫罔有遠大期行幽拾沙磔入林休蓬茨
勤斯產二雛啾啾恒苦飢爲父拙求食哺之不及時
爲母無所能但知愛其兒宵慮登修蛇晝虞遭餓鴟
育恐復育鞠生成荷天私于時東風和春陽亦載遲
瓜嘴日以利羽毛日以奇宛若鷓鴣雛五采光離徙
衆禽歎希有揆眼莫敢窺解飛倏引去勞母呼且追
斯頃却復旋母子相邀嬉時還學和鳴好音諧墳麓

友生嚶來求強聒亦爾爲小者六翮舉爰止西山陞
西山固藩都勢極揚瀾湄澗澗谷深窈窕卉木紛蕨蕤
徽纏未卽加飲啄量所宜大者千仞翔一息瞿塘堆
橫雲度東川歷歷經峨嵋嶺巖嘯猿猱高林啼子規
西掠太白巔鳥道縈險巖戢翼錦宮城無復計安危
一鳴無足驚大放瓊琚詞遠近理則殊各言長別離
近者或遑覲遠者何由歸丈夫曠世懷耻爲兒女悲
餘齡病稍侵食減骨力疲母以屬羽毛引領涕交頤
雖渠原上搖念兕兩分飛鴻鴈天際來念兕音問稀

鸞雀思歎初炎涼巧詆嗤儕輩於兒俱側聞先騰馳
聖人撫昌運品物咸皞熙願兒食竹寔棲彼梧桐枝
願兒發赤符跪授白玉墀奚翅阿閣巢差擬虞廷儀
兒爲王者顧策名方自茲操執務端靜語言慎樞機
勿事口如簧如簧召咎非顯揚足可云憂患母以貽
雄雌力雖衰下民孰予欺龜勉垂鴻猷庶用懌遐思

述懷寄弟 四十韻

曩者一分散奔走恐弗全鑿坏既匪愚踰垣諒亦賢
豈無內顧憂萬事如棄拍樊籠能苟脫尺素焉可傳

思親終在起憶翁看雲眠歲月若易邁肝腸徒自煎
窮途頗知己感激能相憐天寒製衾裯日暮留栝椽
分題刻明燭看劍對長筵醉來幸自遣醒後還復狀
去秋始得書季冬乃言旋歸途襍雨雪跬步不可前
僕夫行且僵衣袂皆已穿依依望故里廢城遙相連
空壕下歸鷺墟曲生寒烟入門拜慈母滄淚流潺湲
下堂見童稚驚喜走欲顛大兒頗聰敏几案錯簡編
小兒亦娟好但覓粥與饘孟光事辛苦何暇施朱鉛
溫言慰飢渴訴言累萬千親戚暨鄰舊來往相摩肩

謂我非此行徽纒仍拘孿有妹獨永訣痛哉間黃泉
死者良可悲音容日以遷俯視數尺墳新草何芊芊
親年迫衰暮復以憂恨牽叔也乃不聞云泛吳中船
吳中幾千里悠悠越山川邈我別汝來迄今踰三年
豈徒空匱數况復憂患纏脊令在原上見此棠棣篇
我意俟汝歸卜築西城堧怡愉共甘旨出入相後先
直讀古聖書朝耕高原田賤貧貴努力窮達信所天
汝歸定何時令我心若懸春雨日瀟瀟二飛鴻亦翩
裁詩寄天末悵鬱壑所宣臨書忽哽咽淚下零長箋

西畦自適

守拙一圃間衡從五畝餘藝麻在高丘雜以果與蔬
春至百草生趁晴聊荷鋤筋力豈不勞蕪穢亦已除
家人會知我慰以酒滿壺偶坐斟酌之日落西山隅
歸來北窓下我心一事無

白雲思親圖爲俞千戶賦

陟彼崆峒阿載盼孤雲飛雲飛無定蹤思親無已時
卽戎受王命跬步焉敢離豈不念晨昏道遠莫致之
安得生羽翰隨雲去還歸古來盛名士忠孝兩不違

四
矢心委厥躬但恐憂母貽

以謝玄暉鼓吹曲分題賦詩送蕭伯齡赴春

官
十首

江南佳麗地

聖皇握赤符渡江定武功東吳據佳麗西楚徵才雄
皇皇帝業成赫二王氣鍾玉帛走群后車書會大同
賓興藹多士獻賦蓬萊宮

金陵帝王州

大明麗中土南京
王城允矣天命符寔從王迹興

明堂當中開四夷日來庭宵衣亟平治臨軒策材能
眷言竭臣忠千載揚芳聲

逶迤帶綠水

禁渠通窈窕綠水帶逶迤烟度凝光淨風迴生浪遲
繡衣絢暖翠朱綬照連漪菱花開曉鏡楊柳拽春絲
共言曲江上彷彿金明池

迢遞起朱樓

迢遞起華構嵯峩麗晴空碧瓦跂銅爵繡柱盤金龍
飛甍紛對起阿閣遙相通珠簾朝捲雨複道春卧虹

明倫先生詩集
躡足雲梯上如何步蟾宮

飛甍夾馳道

朱甍天際起黃道日邊開列侯疊芳榭貴戚臨高臺
鱗次引雲樹暈飛軼烟埃冠蓋屬下視車馬從中來
茲言履康衢顧瞻心悠哉

垂楊蔭御溝

依依御溝柳濯濯承春光弱連金水繞高蔭禁垣長
瑯玕剪新線宮衣試淺黃旌旗拂露濕殿閣含風涼
瓊林錫宴罷臨流恣翱翔

凝笳翼高蓋

樂止清笳吹輦移高蓋舉飄翩翠雲飛彷彿綵鸞翥
繁聲夾仗馳圓影交衢舞曲度凝祥颯塵流浥疎雨
吉士屬後車功名良還取

疊鼓送華輶

鼙鼓遙坎坎鑿和肅雍雍疊奏隨輕吹蓋舉凌層空
暫移上林苑復遇明光宮興賢下明詔親策煩
聖衷驂乘會有日君材萬夫雄

獻納雲臺表

雲臺凌絳霄金爵連蒼闕平明冠蓋馳拂曙鼓鍾發
重瞳屢都吁百辟第獻納封事侍臣收綸音中使出
君行振奇材敷奏引前列

功名良可收

奎文耀天闕鶚薦趨皇州弓旌候明發鶯花稱壯遊
名山挹鍾阜秀水瞰金流傳臚沐休渥俯陞陳嘉猷
志節今如此功名良可收

送方知事餽運章貢

持麾出蓮幕給餉趨轅門師征抵深谷漕轉遡窮源
灘危白石齒山東洪濤奔舟楫苦不前簡書日紛紜
既虞軍食乏復恐民力煩王事亦有終罷勉服其勤
奚必矢石間而後樹功勲策名及振旅足可沾殊恩

五峯樓

登茲百尺樓盼彼三兩峯低昂各異勢奔逐俱爭雄
氣含金碧潤鬱狀神秀鍾嵐生遶隱見雲合紛溟濛
或擬五岳尊秩禮何其隆凭高暢微吟取適援孤桐
樂土信爲美清興奚由終道是亨斯休不翅仙原中

懷心詩

天地有恒心所以清而靈四時更相代兩曜迭光明
化機運無息品彙咸自亨君子存恒心諒由仁義行
養親致誠孝事君竭忠貞不以貧賤移不以富貴淫
始終守其恒詎云非性成我歌恒心詩爲君座右銘

挽詩

令名夙興慕良覲恨未遑胡爲卽長瞑生死徒相望
雖無交好故而獨增歎傷所傷吾道窮善人日云亡
深泉永潛窳封樹經幾霜徃行有足稱人情自難忘
一束芻路遠不得將

送人還鄉

成家匪長計去國懷遠憂茲言挈妻孥挂席順東流
引盼桑梓間背離三十秋父老欣來歸奔走迎道周
自有舊田廬衣食良易謀孟軻昔在齊母沒塋返鄒
誓將負白骨卜藏近松楸所願苟遑遂此外亦何求
臨岐輒贈言不敢徒淹留

賦鴈塔晴雲贈袁叔異

崇頂麗層霄飛軒瞰遐曠始登懷頗惕稍覽情初暢
澄江一線微武姥雙鬟竝神京鬱迢迢佳氣遙相望

矯矯丹鳳雛整翮青雲上鼓笈學已優服命年幾壯
高名從此題臨別母惆悵

杏林詩爲醫士張宗正賦

瞻彼杏樹林婀娜蔭西園活人固不少種者亦何繁
東風吐高花絢若彤霞鮮丹房林下搆藥壺市中懸
晨興閱芳景暢情澹忘還素心寡外慕所以常悠然
君子樂聞善賦頌累百篇三世諒所重五株奚足言
杏林有榮謝令德無時愆

賦龍洲神彩贈別

龍洲一何迢逶迤亘長天神物不可攀五采爛且鮮
沙迴被繁草水積橫孤煙君侯昔遊衍綺羅耀通川
清商激金奏屢舞紛瓊筵賓徒俱才雄詞賦累成編
佳賞君不見餘韻人猶傳茲晨餞行邁感慨情弗宣
中觴起交壽相愛各贈言黽勉企前烈忠義良所先

題畫四首

杜甫遊春

載酒命童子駕言適橋西東風倏而來滿林鶯亂啼
選幽果何所無乃黃家蹊

戴之好賦

濡毫意未遂拂衣臨清湍茅亭倚高木六月天風寒
白鵝勿復籠暇日時來看

淵明歸田

輕舟下長浦悠哉見衡門故舊極相悅童僕亦載奔
知我歸來意相逢但忘言

孟浩然灞橋詩思

飛雪大如席北風天際來林壑不可辨紫荊殊未開
先生一短褐清興何奇哉

寄贈袁叔異山監中除湖州西去

矯二丹鳳雛文采光陸離羽翮一何長奮然起高飛
俯視蓬蒿間相去如雲泥思之不可睹令我中腸悲
茲言下千仞止彼梧桐枝醴泉可飲渴竹寔可療饑
徘徊顧其鳳棲息良自宜朝陽麗崇岡和鳴此其時
勗哉垂鴻猷庶以憫遐思

梅隱爲九江府劉通判作

乘舟各已摧凌寒梅始繁後凋固匪無先榮誠獨難
諒由冰雪姿肯隨桃李妍君子慕厥操素心終自堅

雖云好爵縻不以塵慮牽但茲保清貞奚翅林泉間
贈魯同倫

芸窻直雨餘蓮幕春晝遲窮經本致用讀律乃適宜
大藩簡牘繁裁決罔或稽紫薇華始榮鈞籟哦新詩
雖匪泉石幽有殊徽纏羈不聞乘田時牛羊蕃且肥
掃我林下居暮年以爲期

題子堅隱居圖

逕迴林影長山豁川流廣衡扉傍沙掩層軒抗雲敞
墜葉下琴床飛嵐落書幌釋子問字來野人索詩往

風生客帆孤日入漁榔響行藥陟西崖采蓮泛南港
隱者昔見招興移極茲賞今日覩畫圖令人起遐想
祠堂薦新爲蕭子所賦

茲晨月初吉升堂祠先親裳衣儼上設豆爵紛前陳
魚羞薦肥豸棗栗維時新子弟各趨事昭穆咸在倫
秩秩慎厥儀洋洋降其神令典古所重永言貽後昆
素行詩

貴富如浮雲枕肱樂蔬食迨從魯大夫軒車駕良駟
居夷孰云陋止匡後奚畏行之時其中聖人素乎位

所以君子心悠哉以居易北窻晨而興東舉夕還憇
臨流翫水物涼颺拂輕袂往來無塵雜逍遙有餘地
終身恒若斯亦足肆志意自得誠獨難茲言在深味

元夕會泮池分韻得可字

元夕會泮池茲典或云頗堂上陳籩豆堂下張燈火
中座俱時髦賤子側席左既陪弦與歌矧脫韁交鎖
學問愧無聞色容焉敢惰錫宴有常節極歡非不可

煮雪軒

玄景闕靈曜朔風中直興積雪寒且冽對之煩慮澄

薄言漑鷲釜可以燎與烹丹鑪含青光朱火赫已升
微陽外銷鑠固陰無久凝騰鼎異玄醴崇觴伴大羹
中座列嘉薦凜朕懷抱清豈無一樽酒酌我友與朋
荒宴古所識潔修今見稱永懷濯其穢庶以諧高情
題徐侯瑞蓮

蓮生官池中連根復連蒂兩花正相當雙房更相比
此花比君子而非小人媚德音苟弗昭休徵曷由致
賢哉邑大夫卓然漢循吏奚翅禾同莖何殊麥岐穗
賤子無以稱歌詩紀其異

題漁父圖

湘水綠於藍數峯青可數高柳一溪陰投竿擬何許
本意匪求魚閒情聊自取莞爾歌滄浪楊舂下修渚
贈別陳徵士

颺彼丹鳳雛嫫二隨母飛朝陽麗崇岡爰止梧桐枝
六翮日以長五采光陸離高翔擬千仞凌風顧徘徊
竹筵諒可食豈不憫子饑但以去母遠啾啾鳴聲悲
言將垂鴻猷策名及清時俯視枳棘中相去如雲泥

永思堂

羈禽戀蓬蒿離人夢鄉間引盼西北雲中心增鬱紆
桑梓日以遠歲月日以徂顧茲在萬里能不懷歸歎
丘壠莽沙草况復春露濡筋力老且衰髮髮白已踈
所幸羈旅間而與骨肉俱投簪苟違遂迴轍良易駟
母用徒自傷加飡保君軀

西翠山房

層軒抗西岑積翠亘千尺蘭苕春烟霏松檜秋露滴
蒼二侵緹帷浮二絢緇帙旭景麗崖緝晴嵐帶林碧
仰窺白鳥度俯瞰黃猿躑尚書欣重遇博士亦屢即

紫塗入竹尋危磴捫蘿陟投策良少休傾壺聊共適
素袍凝黛光錦袂生藍色佳境恣消搖清時幸優逸
東山始沽名綠野匪潛跡但茲寡塵紛高風孰能匹
弱齡厲厥志節操矢堅持職分在已盡微軀亦捐之
利害奚足言賤貧焉得移青青松栢林歲寒君始知
眎彼栢舟篇婦人能爲大固不可奪小亦不願虧
勉旃慎所守克終以爲期

井有仁人

爲某太守賦

此井不可改下有徵士魂元綱日陵夷孤忠竟誰論
幽泉愈清徹精靈乃長存玉甃碧蘚合銀床秋葉繁
侯其謁尼父慷慨聆此言潛德匪君闡教道奚由宣

青原僧舍

瑤岑抱圓虛珠林陟雲上逕幽秋桂深澗迴夏泉響
空庭一虎卧落日數僧講黃堂頗遑暇朱幡輒時往
洗耳聞梵音觀心息塵想自非政清淨詎能遂佳賞

泮池絃誦

晨興命良儔駕言翔泮池汎覽君陳篇載歌斯于詩

于時日將夕，迴風生絳帷。振衣抱孤桐，上堂理朱絲。
一倡三歎息，操雅音更遲。克狀各有適，夷倫良自怡。
但茲養厥性，外誘焉能移。

別童守益回監中

始欣予告旋，抱痾罕能見。笑言稍遑遂，睽離復云餞。
門東柳曳絲，天際川迴練。長風颺蒲帆，旭日明紈扇。
學業既已優，才華良足羨。上舍秋氣涼，下帷展黃卷。

詩思圖

沉吟坐終日，有酒胡不傾。清興罔或窮，佳思悠然生。

所以栗里翁，酣暢適其情。苟爲苦追琢，無足令人驚。

李將軍壽諼堂

侯家古名將，結髮趨戎行。朱衣繡方領，錦帶懸銀黃。
襲兵渡遼海，爲國開東疆。征途五千里，母老不及將。
去年來徵兵，迴車經舊鄉。上堂介眉壽，再拜奉一觴。
別母十年餘，蛾眉如秋霜。昔時萱草華，今茲亦煌煌。
願無貽母憂，幸母壽且康。王事有程期，不敢久彷徨。
在家日苦短，去家日苦長。群季豈不賢，爲子心孔傷。
忠孝願兩盡，君親俱難忘。

焦隱 其人能醫

卜宅茲山阿取適樵採間筋力豈不勞寵辱奚由干
拾藥澗底行振衣林下還一飯施朕卧始識予心安
送郭子廬歲貢

春風解輕冰泮芹紆新綠鼓篋下中堂驅車越平陸
親交各云餞忠言未遑告茲行陞冑監追琢候奇璞
積勤學固優致用材更育流滋既溢餘母以小善錄
整翮盼層霄奮飛追鴻鵠

行路難

李陵古奇士報國思捐軀孤軍勢已盡忍辱西降胡
下馬解鐵衣殘卒同嗚嗚拔劍指白日披血臨長途
誓爲魯曹沫耻作吳粵諸肝腸在漢關日直悲窮廬
君王不相信老母復何辜惡名豈復免盛德將焉圖
子卿若旋歸眎我今何如悲哉行路難千古同歎歎

幽居懷友

幽庄白晝靜居人寡來往高樹落疎陰深泉生逸響
抱忡惜景光微吟荅清賞因之懷遠人悵朕起遐想
留別楊分昭

君還既不久我行復有期憶昨君未歸日久徒憂思
忽聞車馬來僮僕走相隨入門一會面酌我金屈卮
人生最歡樂莫若新相知懽樂苦不長明當與子辭
大夫且行役弊車日驅馳吾徒本貧賤奔走何足悲
但恐後來時君將復何之

孟夏言志

孟夏疎雨歇澹然時景清柔條湛初綠高花吐餘榮
徘徊澗中意逍遙林下行幸茲適幽賞遂此遠世情
苟爲徇維繫焉得全其生

夏日端居

長夏適佳境嘿處甘無營炎歊既已遠塵事何由生
幽賞翫脩竹清齋披黃庭但茲寡紛慮自狀神氣清
夏直有懷親故

清露湛空宇河漢東南流萬籟各已寂羽虫鳴未休
旅人不自媚對此增離愁抱忡惜徂景索處思良儔
所思在鄉國道路非阻修容輝誰能覩夢寐庶可求

觀銀河懷人

河漢高且遠迢迢亘長天與君隔秋水河漢遙相連

思君視河明心目恒娟
二河明有時沒我心終不捐
秋徂有懷陳渙

虛室山氣來衣裳
夢回冷月沒河漢
高蛩鳴秋徂
永懷君邈容音令人空耿耿

感遇

風起高樹顛清響
一何悲草木詎有情
寒暑移其時
君子在遠道
旅歸渺無期
流光恒若斯
我心君焉知
候楊生不至

逍遙下荆扉
臨清曳行屨
之子胡不來
何人傍沙涉

秋日滿高林
幽禽啄黃葉

貧婦嘆

三世爲婚姻
兩家各相宜
結髮值喪亂
零落空首持
夫子豈不賢
奈何時使之
非白敢辭勞
屢屢何可炊
匪云親戚誚
但爲隣里欺
饑寒共共守
貧賤焉能移
君看古孟光
舉案高齊眉

松坡退隱

青松產陽坡
蒼二挺崇標
霜雪豈不繁
凌寒恒後凋
凝陰翳垂景
清響迴流飈
乘閒肆盤桓
取適爰逍遙

仰視白鶴飛浮雲亦飄二貴富奚復慕寵辱良自招
但茲養餘日詎云非松喬

分題得受恩賞送臨江侯平寇還京

侯家本名將結髮親戎行解弓調白羽錦綬懸銀黃
長驅平楚塞歸來朝未央

天子御丹宸侍臣行玉觴飲至策勲勞寵命生輝光
皇圖億萬年錫爵垂無疆

思親圖

孝子慕厥親終身無已時自云早失怙鞠育仰母慈

古稱軻親賢我母定類之棄背日已遠不復返哺私
况今持旌麾迢迢南海涓引領顧舊鄉孤雲隨風飛
念茲丘壠間白楊何妻二旋歸未遑遂能不懷傷悲
哀哉孝子心此情天所知先民亦有言事君忠可移
曳勉樹奇勲顯揚以為期

錄 贈蔣吾修遊新安

探珠必極海探玉必窮山立志各有在豈憚行路難
新安文獻淵稽古之所關秦火不能及有書千萬間
家家誦唐虞人人希曾顏孰云先哲門未易梯級攀

既趨仁義途慎勿由榛菅歸囊莫輕解爲子當諦觀
壽萱堂

樹萱堂庀間丹葩何處鞋服之可忘憂孰與憂患遠
發身事弓劍乘障非邊陲上堂介眉壽緣服爛光輝
古稱弗違將仁者親不遺茲卉有榮謝愛日無少哀

九老圖

皓首獲謝事選幽耶自怡山水既已佳春陽亦選二
或囊單父琴偶賭綺黃基好樂養餘日消搖沐雍熙
寵辱固可忘理亂胡不知徒茲齒爵崇恐貽後世嗤

壯哉涓川翁持竿兆非彫

雲谷

雲生幽谷中任情自來去高舉會飄風旋陰結芳樹
寄語谷中人白雲有深趣

幽篁古木

秋色何娟娟在來微雨過涼颼颼而至槭槭鳴崇柯
美人不可見日暮將如何

三槐堂

中堂高迢迢下有三青槐于時夏氣清新柔亦何佳

明倫先生詩集
流陰迴綺疏分綠凝緹帷好鳥相和鳴涼飈倏而來
步庭玩芳景始覺心懷開古人邁種德諒足希鼎台
茲植有榮悴令德無少衰

題春暉堂

中堂高且深翩翩五采衣昕夕登青茸慈顏亦愉怡
永懷愛日心不爲游子悲茲言貳雄播遂令定省違
所欣逮祿養足可榮恩私紫誥迴飛鸞閭里生光輝

梅竹軒

亭二孤生梅結根踈篁間志操諒不異况茲君子軒

幽芳葉庭宇勁節凌雲端俱以霜雪姿特立當嚴寒
桃李恃春榮媚人奚足言所希慎自持令德同貞堅
一逕亭

茲亭一何幽透迤俯通川上有嘉樹林繁陰翳層軒
輕楫時復理孤琴亦嘗援鳥鳴及和春魚游在深淵
物情固不殊人事倏以遷所欣竟陳迹俛仰慨昔年
顧予寡形役與子同周旋

題蕭鵬舉在謫所寄第鵬翔扇

緘情托羅扇羅扇非能言月盈尚有虧不如羅扇圓

鴻鴈一行飛脊令終在原合歡豈無時分離奚足嘆
勿以涼颺至而云相棄捐

贈樂生歸神樂觀

學仙貴知道豈徒慕長生立身匪忠孝仙道奚由成
之子養性靈殆與元化并不效安期輩餌藥身始輕
舉手謝世人持節朝

帝京飛霞翼舟輿迴颺凝玉笙顧無凌風翰飄飄俱
遐征

胡琴

一絃復一絃嘈嘈兩絃間合作千萬聲不勞十指彈
凝響入冥冥繁音促潺潺秦姬曲終度胡兒語未闌
四座初願聞聞之俱長嘆

題王主簿江山別圖意

祗囊一孤桐翩翩下輕舟供帳俱不煩官滿莫可留
四山無改色中坻有迴流幸哉許重來爾民樂斯丘

贈蜀中王鎮撫

先皇有天下將軍守閩州去家八千里握節三十秋
撫士能深知籌邊遂良謀子孫日以長功名日以收

昨聞朝■上京復許旋故丘
輓合姻戚懼靡遲桑梓
留劍閣擬玉門詎非定遠侯

題脊令圖

和鳴及芳晨急難懷往時
其樂本天真相猶宜解爲
我能安餘日見汝終怙怙

偶得脊令圖予愛其有和翁相得之意因題示
兒子潛混俾藏之老夫雖沒齒亦不過此三十
字耳珍重珍重

贈別如翁陳仲述

陳梁類朱陳姻譜世相聯
興替固靡常瓜瓞仍綿綿

君年未志學尊翁相棄捐
是時喪亂餘孰以饑饉連
貲業悉破蕩骨肉俱不全
有母豈弱翁敗屋八九椽
自知讀父書寒機理殘編
閉門瓮牖下積勤逾十年
聖朝盛文治學校在所先
君以科第家備此弟子員
先生大驚訝府尹深愛憐
道學愈切磋文詞益精研
洪武十七載詔書興群賢
君行應鄉貢經義試七篇
末場策五道剖析如河懸
誇多置後列有司殆不偏
君謂非取榮茲事吾青氈
明當赴春官瀝膽陳陛前
親交餞行邁籩豆秩初筵
酒酣各贈言珠玉揮青箋

上堂拜慈母綵服何翩翩有弟奉甘旨離恨母足牽
君家世顯宦朱紫相摩肩推官曾太父忠厚鄉邑傳
謂君必抗宗果若數計朕才器既匪凡志操亦甚堅
任職無崇卑所貴不愧天恩罔墜厥緒夙夜尚慎旃
吾妻迺令姊于翁友愛專小兒爲君甥庸愚賴陶甄
余以竒蹇中務農居園田苟或榮高足吾子先着鞭
相期更遠大能不整所宣

挹爽堂

高堂麗西昊爽氣何蕭森始疑林谷幽稍覺雲烟侵
素枝遞虛籟朱絃諧商音匪徒息塵紛足可清煩襟
唾彼路傍子附炎焦寸心

題畫

偶坐未清晝飛軒絕緘塵亦有南澗翁問字來相親
幽意固可適子非林下人

贈別莫廣文赴召代陳太守作

我來守是邦學校職所先博士誠懇厲諸生亦才賢
絃誦固願聞文教賴以宣詎圖戾一鶚遂成兆三鱣
嚴車泮池外供帳河梁邊嫵婉良新知睽離徒贈言

茲行有民社與子俱慎旃

孟夏雨涼宴吳傑齋舍

孟夏時景清旅人胡鬱紆絃誦少遑暇壺觴耶與娛
况茲吳生舍頗類靜者居高枕沐輕雨幽蘭被前除
朋尊湛芳醕三豆登時蔬襟懷各云暢禮法亦不疎
逍遙未朝夕繫我空谷駒

題素扇

諸君子題扇非瑣二於吳蚕越蠶則頌述其
人僕不取焉抽毫賦此扇之衷情見之於詩

團圓復團圓月圓尚有虧致身君懷袖無有盈虧時
知君重貞素采色亦不施物微幸相親願言長自持
寒暑固代謝用舍適其宜古來媿好怨此意君諒知

春暉堂爲陳子繪賦

朝亦春暉吟暮亦春暉吟春暉何以報傷哉孝子心
自從下堂來不知今幾秋挾策上京都郎戎入并幽
今茲復南征未得歸舊鄉有母不可見涕淚沾襟裳
豈無甘旨具曷由一自持豈無襦爛衣曷由一戲嬉
人生有如此聞者摧肺肝勗爾貽令名母心當自寬

西山爽氣

飛軒軼西昊山氣何蕭森始欣日夕佳稍疑烟霧深
凝窻影輓度襲袂涼頗侵初陽麗晴景縹緲翳長林
憑高引遐眺足以清煩襟時還理孤桐冷二諧商音
流颺倏而至天碧秋沉沉

歸耕

柴車夙言駕迢迢越西區大田既多稼雨露亦沾濡
荼蓼日以繁課童媵且鉏家人遺以酒瓦坐傾一壺
不憚筋力勞取樂自有餘歸來北窻下汎覽古聖書

但茲安所遇奚必南陽廬

題扇

境幽寡紛慮墜坐若終身飄二南山老日夕能相親
行當承明趨恐非林下人

古松爲林道人賦

古心不可得古松奚足言秦皇五大夫枝葉無復存
枯榮遞相代萬化歸其元道人太古心虛靈何湛狀
飛行八極表歷劫百億年手中種白榆團團翳青天
送江西都司承差

弱齡給將命磬折趨韓門軍謀不可測折衝詞令間
非有矢石勞亦無文墨煩茲晨餞行邁三爵少盡歡
枯桑何蕭二歲暮風色寒出入慎爾儀勿謂貴能言
所希歌皇華周爰歷咨宣

爲琛師題扇

悟空心固靜諒由地亦偏高情恣遐覽山碧雲行天
朋儕會所得物性適自朕世俗不可溷旨哉

聖人言

題嚴迪德孝廉扇

出入桑梓間笑言樂怡怡親戚亦欣慕朋游幸相依
鄰甿緣可分薄言斟酌之詎圖衰遲景際此盛平時

朱太守廉謹堂

高堂一何迢飛甍抗崇岡爰居宣

王化文綬懸銀章廉潔持厥躬堅白如冰霜戒謹存
諸心臨下罔或傷徂犬不復聞田間樂耕桑幸逢堯
舜理再覩龔與黃歷階頌此詩以矢永弗忘

贈別陳縣丞綸

三載哦松間一下車初政事豈不煩才力自有餘

四續先生詩集
茲晨當棄去軒蓋盈交衢父老谷中至再拜傾酒壺
各言恒具瞻莫若賢大夫龍飛撫昌運仁明邁唐虞
引領希重來善保千金軀

行素軒

宣尼靡外慕居易罔不宜牛羊茁以蕃乘田何足卑
兩君盛好會揚揚正厥辭九夷亦云居厄陳恒若茲
子其景高矩慎毋僥倖爲松栢俟歲寒桃李榮春姿
凡百安所遇
聖人良可希

彭二令歸香山縣僕往瑞州候小孫得同舟至
胥江又分去賦此

在邦苦難卹出門忻違俱峨峨大庾闕遙遙南海隅
同補官舫聯騎遵荒塗笑談晨繼昏討論詩與書
殷勤敦古懽顧念生平無嚴程達胥江乖分異前趨
君行爲民社徃徃懷憂虞蠻夷不可測侵掠奚由蕪
賤子緣骨肉恩愛恐弗圖含情旅泊間而亦增煩紆
野風吹緼袍蕭蕭霜髮踈再拜罄一壺能不兩踟蹰
衰遲各努力善保金玉軀

退庵詩

退休息微軀生平歷憂患世事不願聞相知勿復言
數椽林下居容膝亦已寬芳草被前除青松蔭簷間
放歌暢幽懷遐眺怡我顏朋舊來相遇濁醪聊共歡
逍遙任餘日心神良自安

樗散生

松柏挺千仞正直緣天姿霜雪亟摧殘青青蕃且滋
自匪澗壑幽願與樗散期譬彼盛德儔耻令虛譽馳
匠石一迴顧尺度罔不宜卓爾梁棟材大用方自茲

屈曲獲長年莊生良可嗤

友筠軒

屏居寡交好修篁結同心知君慕高節永言矢斷金
匪徒鸞鳳栖時作蛟龍吟泛色凝華觴流響諧素琴
揮毫未清晝脩脩廻夕陽爲君遞涼飈悠二滌煩襟
大夫屢在駕學士宜幽尋三益誠若斯五君奚足欽

贈孟推官

此邦寔繁庶習俗善訟爭側聞舉錯間片言等神明
茲晨促遐裝述職朝

上京青松挺崇柯霜氣肅以凝
父老填修塗車轂無由行
藩臣給軍餉租稅仍煩征
賤子伏草野夙有感且興
長駟非所願期以康吾民

送別

孤凰何翩翩文采光陸離
昂首鷄鶩儕中心懷傷悲
羽翮日以長奮身起高蜚
朝陽麗崇岡青青梧桐枝
爰止梧桐枝和鳴亦喈喈
竹花已作寔可以療子饑
萬物有本根失類誠匪宜
子爲王者瑞天理奚罔知
願言垂鴻猷顯揚方自茲

芸庄爲江西婁僉憲賦

幽庄軼浮景端居絕囂紛
何以永清晝經史左右陳
堦下何所有芸草被芳芬
以之辟魚蠹而與文翰親
睠言顧茲卉每懷康吾民
周道良透迤載馳煩咨詢
昭代行化臣孰謂非香芸

夏日遊太平福地

永夏無與適珠林聊可娛
境幽松聲長涼颯生座隅
道人繕性熟况以良覲初
謂我不可酷清齋掇畦蔬
列坐燭妙香汎覽方壺圖
亦有采芝翁消搖與之俱

悟空弗自繫詎云非吾徒

仁安堂

高堂鬱峩峩云是仁者居諒由心德全所以恒晏如
堂上何所有左右圖與書堂背何所有諉草被堦除
道傍種丹杏奚啻百千株承平日遑暇來登俱文儒
講道合衆方立言揚令譽迺知安於仁旨哉宣聖謨
木庵爲趙明府作

君子寡外馳質樸良近仁蒞官亦不矯平易民迺親
填委日以簡澆浮日以淳援琴清巖度談經涼在分

父老谷中至移時語諄諄具瞻恒若斯孰非太平氓
楊鎮撫遜志軒

將家志氣高卑遜誠獨難奚知折衝際迺在辭讓間
戰陳每先登論功殊厚顏劍橫春星流詩成夕雨闌
匪徒賓從娛遂令行伍安古人屏樹下高風良足攀
書隱

深居罕塵雜經史紛前陳至道邈難聞先民有遺言
賤貧素其行貴富良在天掩帙起長嘆道遙眈庭前
以茲寡外慕形役奚由牽

昭代等唐虞宵衣亟徵賢及時策芳名詎云其自捐
三益齋

切切復惻惻古人良亦難締交匪令人詎云等金蘭
屏居塵事稀方池春草繁開逕佇延望殷勤在高軒
嘉會欣有常講文以爲歡嗤彼鴛情好悠悠觴詠間
瞻言罄忠告毋庸相棄捐

題畫二首

泉鳴一澗長雲去兩崖碧結茅背松坡境偏絕塵跡
堅坐閱古書可以永終日皎皎白駒長道遙宰相郎
天際烟波浮岩畔漁舟小近晚未收緝夕陽在林杪
世事了無聞取適如君少

題扇

茲樓一何迢虛庭絕塵鞅林高春木繁澗迴夏泉響
掩卷起遐思暢吟適清賞亦有抱琴翁乘閑共來往
霜臺

迢迢百尺樓俯瞰雙江流飛軒軼浮景凝霜肅清秋
四牡何翩二弗遑少停留丘民胡靡寧
皇衷每懷憂來登匪乘暇爰咨復爰謀憑高一遐覽

心目良悠悠茲臺屹千古令譽垂無休

京城別僧

迢迢長安街獲與靜者遇纂書靡遑卽話禪罕能屢
來去本無着擬向名山住一往不願求贈言良所慕
明發秋風生浮杯渡南去

送僧赴京

聖皇纘隆緒一跡仁且慈四夷悉來庭萬姓咸雍熙
顯幽各異趣冥冥良可悲梵宮亦嵯峨卿雲爛以垂
燦二金蓮花布地絢生輝西方有神僧真源了能知

茲會誠靡常瞻言慎自持

送羅君仲矩致仕還鄉 在京代作

弱冠事

先帝服勤三十年雲南暨瓊崖足跡屢十千

先帝昇仙去放逐歸園田

聖帝旋舊都曠日明中天詔書例徵召小大無棄捐
君以去歲暮入朝覲天顏鬚髮紛已皤心志強且堅
皇衷憫哀邁不以職事牽尚官頒書籍禮曹供賞筵
勅文諭 恩意仍服裝與冠俾歸榮鄉里優游養餘

開勸民使爲善備載勅諭問我以謫薄才承乏左投
垣送行不敢遠執爵三四傳料君到家時桃李爭春
妍有子克嗣宗瑜珥色娟娟豚犬能相親教以孝悌
先鄉鄰及姻戚來往相摩肩種秫酒釀醇舉罾鱗獲
鮮高歌酌至夕酌罷醉即眠起來眺門外青山橫素
煙儒生索書字釋子坐話禪雙鳧度西上漁逐迴東
邊萬事無一憂夢寐亦陶然悠哉復悠哉其樂不_可

八景杏嶺朝煙

真真天欲曙一抹橫輕素但聞春鳥鳴不見林中樹

谷風倏而來縹緲漫空去

羅溪夕照

餘暉射幽渚夕陽在林杪釣艇未收緝綠燕下歸鳥
消搖溪畔人塵慮由來少

斗門小橋

空濠春水生數尺橫槎渡牧豎與樵翁昕夕紛來去
取履豈無人相如不題柱

楓林古廟

楓林歲月深野廟丹青古秋風下紅葉紛飛塞庭戶

日暮何處翁明燈向神語

東港垂釣

手持一竹竿艇子悠悠槩輕鷗不飛去且向頭傍
物色信非儂放歌下東港

南源學稼

務本莫如畊生計何嘗薄能知稷氏書不鄙樊須學
南源禾黍登始信田家樂

樵谷勝遊

深谷何透迤伐木丁丁響昔有高世人谷中遂幽賞

或可散煩襟抱琴亦時往

雲峯晚眺

出門卽羣峯引領成遐眺青青天畔松歷歷雲中嶠
世事豈徒欣清風一長嘯

愛日堂

兩丸迭相代天運無少休高堂迫蓬莫頽景焉能留
逮彼三釜榮俱茲八袞秋半餉亦足懽再晨知遑不
鷄鳴問寢安竟夕寡所憂修竹何青青池魚鮮可求
瞻言慎爾躬遐筭良悠悠

送別

良時豈不再嘉會亦匪難海隅昔紆紛無因瞻令顏
詎圖復相見迺在京邑間峨峨正陽門迢迢西長安
春物生光輝嫵婉各盡懽茲晨駕言邁仍以博士迂
聖皇重文教非君曷由宣慎保八尺軀盛名當永傳
述懷

一夕復一夕一朝復一朝貧知歲月長富恨歲月銷
行者出門去征途日以遙請看昨日花今日顏色凋
青春固重來白髮肯見饒老吟漫成章孤斟難盈瓢

憂端一自遣園林行以謠但恐在世人人人非松喬

五言律詩

寄別友人之官古雲中

故人趨薄官萬里去雲中極塞風霜苦單車道路窮
烽烟防突騎鄉信候飛鴻此別成蓬梗何年語笑同
懷裏見金兒寄舍弟

親愁催髮改我懦曠歸期在永勞多夢途窮益自疑
豈無豚犬累空有鵲鶴詩多事煩吾弟天涯獨爾思
客舍除夕

此復數杯酒流年一歲徂客懷空寂寞鄰舍自喧呼
寒盡徒衣裂更長遇燭孤眼看時序改感激不能無

元日飲胡氏堂中

君家元日會鄉里羨衣冠前輩風流在諸郎禮數寬
焚香傳睡鴨行酒試新盤我亦忘爲旅陶欣竟夕歡

留別

春色催行客江頭強別君知深心更苦去遠手難分
紅閣燈前雨晴樓席上雲何時重對酒今日又離群

荆湘道中 二首

江入瀟湘近山連楚塞高兩崖如積鐵一水不容舠
慣客寧辭遠藏身豈憚勞同門多宦遠漂泊愧吾曹
礪水橫槎渡山梯鑿石開昔年經喪亂故壘尚崔嵬
地迴泉聲響天低晚色催迎人將驥裊稍出白雲來

書臺書懷

九阜晴初見雙江雨合流泉聲偏近枕獵火自明樓
亦有杯中物應無客外愁生涯隨泛梗未擬棹歸舟

憶胡謙

愛酒陶彭澤忘年漢孔融別來驚早鷺歸去羨征鴻

道直交遊少心知氣槩同客愁應不盡相憶更無窮
春懷

三春爲客恨兩地惜春光柳短垂新綠花殘貯賸香
心連沙鴈遠愁共嶺雲長自朕成夢想惟有涕沾裳

擬漢宮

寂寞甘泉路君王不復來旌旗空縹緲蘭麝已塵埃
寶鼎移朱舫金莖卧綠苔梁春在雨惟有野棠開
昭君

宮庭恩幸少臨別見容姿漢主愁無盡單于喜自知

雕鞍催起早玉輦送行遲淚眼持盃酒三軍鼓角悲
龍仙寺

古傳寺鍾與龍鬪田中鍾不能勝穴地而逃止于
青原白鷺之間其穴至今尚存徑三尺許泉水湧
出人言其無底焉寺以此得名

古寺名空在依山只數椽鍾逃猶有穴龍去已成仙
古礎埋春草廻塘落澗泉諸僧離亂後頭髮也垂肩

秋日憶友

漠漠秋雲冷蒼蒼晚色昏故人同契闊今夕異涼溫

月黑時驚虎山深早閉門思君終不見愁恨與誰論

秋夜有懷

碧樹生寒早虛窗貯月深鳴蛩先近枕驚鳥數喧林
茵接懷雙壁囊空耻一金不眠清夜未勞想爲知心
八月十五日夜對月

對酒待明月不知時序催影移牆外竹光照手中杯
露冷關山迥更深雲漢回明年何處在此地一裘徊
別友人侍叔遊金陵

步兵非浪出還與仲容偕自是金閨彥尤憐玉樹佳
曉晴臨采石夜雨泊秦淮此去期公子都門祖帳排
得胡本書并佳作末示諸賢動靜次韻奉酬并

呈胡謙

陳渙

書札高秋至開緘累十行詩疑陶處士字比漢中郎
鴻鴈來何晚鴟鵂意甚長諸賢半零落此去倍堪傷
阮籍仍疎放陳琳屬霸才幕中嘗草檄林下數嚼杯
別已三秋暮書無一字來知君情繾綣能使旅懷開
遠書珍在笥虛館重懷君夜枕徒千里秋山抵一雲
猿聲揮淚聽梧葉向愁聞惟恨天河水東西兩地分

日暮山興

喬木孤村晚衡門落照平雲侵歸羽倦風轉繫匏輕
洗筆通泉過移床候月明無人同笑語默坐對諸生
遊尊勝寺簡略師

四境人烟迥禪宮一逕遙架橋通窈窕飛閣歷岿峩
日暮黃雲合秋高碧樹凋遠公真靜者塵外數相招

贈五將軍傅林蔚

栢臺三語掾蓮帳署兵曹飛檄文何壯籌邊計竄高
已能親矢石自可建旌旄振旅陪鵷序南宮賜綺袍

送羅君仲矩致仕還鄉

領簿江都日賢良獨薦君歸休慚白首高步喜青雲
重見心相愛那知手又分草堂江浦上樽酒且論文
送指揮致仕代作

孫子持旌節歸休入袞餘聞鷄催客舞上馬倩人扶
行陣母煩整琴尊足自娛高堂雙鬢雪不似在穹廬
排律

挽海桑陳先生

鄉邑推名教先生屬典刑道承前烈矩學殉後昆型

田續先生詩集
立志希瀛洛研精續考亭源傾越峽水色煥麗天星
寵召辭丹陛休歸掩素扇罷吟司馬賦閑授伏生經
來者崇師說聞之慕德馨科場三較藝彞鼎累徵銘
鈎牘仍忘倦張皇亦靡停渥殊遭聖代福侑享遐齡
會侍春風座常陪暮雪庭徒勤瞻北斗未獲徙南濱
晚辱招呼數時欣候問寧直期姻好在詎意考終丁
和氣奚由接嘉言豈復聆芝蘭空雨露桃李自郊坰
遺帙樓芸閣殘詩寄紙屏居人悲哽咽過客走伶俜
行不虧家乘名應托汗青心喪古有制援筆涕交零

賦玉笥山贈長史入京

靜倚紅蓮幕徐經玉笥山勢盤晴漢表影動碧波間
未遂遊觀趣因陪人覲班掠舟驚鶴過棲壁羨雲還
歸旆春風裏乘閑却試扳

贈馮將軍

選將征南去將軍受脰行玉音宣

聖諭銀節下

神京仁者今無敵王師古有征豈徒平小醜意在撫
遺氓但靜藏刁斗風微捲旆旌明光催獻凱

田樂先生詩集
天子自知名

別劉果

三歲金臺上心知氣槩同才多懷賈誼賦好擬楊雄
共立清霄迥連歌夕照空交情初耿耿別意復匆匆
沙上雙餅酒雲間五兩風去人舟漸遠若者恨無窮
送某指揮致仕

有孫襲爵佩銀黃玉劍瑠弓任取將架上素書宜
愛囊中紫誥慎珍藏極知衰老恩榮盛却喜休閒歲
月長耿耿丹心如皦日垂垂白髮似凝霜仍懷邊地

常時選尚問胡人早晚降不擬伏波誇矍鑠但陪角
里足徜徉將車先過金魚館奉几頻留綠野堂隣叟
每來催進夜幕賓初見命持觴竹枝桃葉供行役玉
樹芝蘭在坐傍自昔年高能德邵君今積德壽無疆

七言律詩

訪叔介徵士不遇

五日不能一相見拂袂却向林間求使我叩門及比
舍聞君着屐經高丘滿堤落葉晚未掃近砌井菊時
當收公租致期征歛迫殘年懷抱空悠悠

賦白鷺晴沙贈別徐尹入京

明府行經白鷺洲晴沙如帶水如鉤兼葭楊柳參差
見鷗鷺鴛鴦遠近浮三月滌澗曾駐鳥九重催覲又
移丹江山有待頻來往早擁雙旌控上游

次韻奉酬素行徵士

三日弗面輒遣書何廼契闊已月餘但聞枕琴卧蘭
若胡不步屨來林居威流似子固非少交好於我俱
無如溪梅作花復即寄聊且致君雙鯉魚

遊武山次韻

武姥樓閣山之巔數家茆屋依山前棲岩白雲晴冉
冉繞林碧篠寒始始仙子索詩請題壁樵叟煮茶呼
引泉憑高騁懷極幽賞使君佳句令人傳

寄劉珪

春日已去夏日臨輟輒晝啼苦竹深野棠雨餘新水
綠石壁樹杪浮雲陰安知天地有終極不覺歲月還
相侵我思劉郎胡可見徒使遲迴勞寸心

寄呈東原公劉子彥

北關前年一上書歸來高卧楚郊墟西風短褐雙蓬

田樂先生集
鬢落日空山一草廬道直不殊梁太傅賦成端擬漢
相如別來又是春三月盡日逢人問起居

客舍述懷寄呈吳公

狐白田郎已出關弊裘季子幾時還古來窮困多奇
士今日飄零豈厚顏殘燈細雨家家酒落木浮雲處
處山客舍淒涼秋色晚思君兩地鬢毛斑

客舍秋雨呈東隣隱君 二首

窮屋窮秋晚色寒井梧落盡雨聲殘不堪鴻鴈愁中
到誰念衣裳客外單似我生涯今絕少如君高誼古

尤難隔籬呼酒銀餅滿細語燈前共在闌

燈前細雨宿初闌枕上聞鷄夢轉難壯節豈因今日
改旅懷終向故人寬江天雨色連窻白草樹風聲入
室寒景物已殊歸計遠殘年飽飯共相看

道中

題柱相如舊所聞棄繻今擬漢終軍舟橫古渡春濤
壯路出荒城曙色分飛騰未失魚龍會飲啄寧隨鷄
鶩群堂上慈親空白首倚門望斷楚天雲

徊仙觀

綠樹重重逕滿苔中天樓閣倚崔嵬浮翁跨鶴何年
去王子燒丹此地來石洞門開秋夕永松壇香繞晚
風迴人間自有蓬壺島坐觀昆明幾劫灰

寄胡本并陳渙之

君家兄弟竝才賢文采風流世共傳御坐笑談人似
玉盈觴傾倒酒如泉家徒敗壁懷司馬目極危樓惜
仲宣春色可憐今去遠金臺惟有白雲連

寄仲述

我別陳郎今二年暮雲春樹兩茫茫衣冠已喜無人

見姓字何由有客傳能賦相如豈在蜀多才樂教竟
趨燕君親老母俱霜髮擬向秋風買釣船

憶王伯洪

客舍淒涼憶故人王郎於我最相親論交有道懷今
日分手無言惜去春芳草斜陽江路遠浮萍流水歲
華新也知閭里輕貧賤狐貉由來豈足珍

東彭叔介

彭君孝友聞閭里困辱誅求已半生揮筆自憐穉可
換援琴長作鳳來鳴池邊亭館邀人坐郭外桑麻仰

子耕祇爲家貧親獨老不將文采謁承明

二月十八日大雪

二月東風吹雪飄紛紛飛舞綴青條已知過臘元非
瑞却喜當春也易消北去絕憐鴻鴈令南來無復虎
狼驕農家水旱占天象邈道今年百穀饒

酬劉昭贈北岳府二曲皆感慨之辭

滿庭微雨夢醒時侵曉將來絕妙詞爲客幾迴傷往
事懷人千里寄相思銅臺佇望霓裳舞金谷扶歸錦
帳移不如與子共貧賤村酒山歌足自怡

寄劉昭并呈彥通

劉郎絕似神仙侶聞說無人只倚樓疑是庾公來遣
興不殊王璨坐微風散帙青山竝落日門簾綠
樹稠惟有表載酒時還痛飲看吳鉤

次湯退菴隱君見寄韻

丈人文雅舊知名鄉里衣冠重老成海上青囊傳已
久山中白壁種還生臨池洗藥春泉煖入洞看花曉
霧晴羽客將來詩滿紙思君轉似隔蓬瀛

別劉昭

旅館相逢惜又分不勝歸思亦紛紛論交已羨能知
已爲客何堪更送君古樹殘蟬鳴晚照西風匹馬入
秋雲人生最是還鄉好後在飛鴻何處問

秋日呈友人

天末飛雲逐斷鴻人間砧杵動西風孤城寂寞秋江
冷萬木蕭森夕照空人客張翰尊又老多愁宋玉賦
難工交游零落相知少邂逅如君意頗同

次歐陽子韶寄示韻

先生絕似陶彭澤偶得辭官喜即歸荒圃自鋤傷蔓
草衡門長掩竟餘暉高秋吟咏頻揮翰夏日追遊更
解衣兼說近來疎懶甚卧看倦鳥背人飛

將歸寄別袁彥通

居人置酒饒長途人滿橫樓酒滿壺復喜諸公同笑
語遂教人客盡懽娛層崖抹黛湘雲起積水凝寒塞
鴈呼惟有袁郎相去遠還能分手送行無

奇酬胡東氏監務

何年捧檄向輦臺共擬弘羊善治財官舍已無民事
擾鄉書還有故人來春濤拍岸檣烏集暮雨連城旅

鴈迴此地古稱才傑會知君臨眺不勝哀

風雨破茆屋

茆茨已爲風捲之驟雨復作中夜時泥濘沾席不堪
卧潦水浸床那得移稚子牽裳喜濯足慈親抱被空
愁眉城西大廈人何在滿路蒼苔更可悲

去鴈

無數春鴻向北征相呼相喚恐違程來時流落悲倚
侶歸路倉皇顧弟兄曉度戍樓聲漸杳在移漁浦夢
猶驚十年離別関山遠月黑雲寒何處鳴

中國公臨江侯濟寧侯金華帳中夜宴次韻三首
征南自是一長城內府分符總禁兵事業不殊周召
虎才華仍擬漢匡衡瓊筵看劍春星動玉帳談經直
雨鳴聞說蒲桃天上至紫駝銀瓮綠波生

虎頭鷲領羨風姿早歲登壇

聖主知破虜昔曾持使節征蠻今見領王師雙飛盤
鳳封侯誥五色交龍命將旂黃屋已聞清楚塞采薇
又擬勞旋歸

漢代功名屬聞孫早將奇計報君恩旌旂有影雲中

去刀斗無聲月下屯萬里橫行車作陣三軍晏起戟
爲門春風雙佩朝丹闕宴賜銀罍下紫垣

除夕喜兒曹皆遠歸

兒曹遠近俱儒仕一在筠州一閬州兩地行程非可
約片時歸計似同謀且從除夕嘗家醞莫問新年買
客舟代際唐虞各努力老夫白首自無憂

南軒養親爲劉孟昭賦

小車迎養爭愉悅祗愛南軒每每過諼草葉齊春雨
足紫荊花發午風和教兒裹藥身猶健呼婢煎茶客

尚多兼說諸孫數十輩問安膝下日肩摩

二月三日劉侍御子敏巡廣西便道歸省能言

在蜀小兒爲所知者薦之朝吏部已遣使召之

賦此寄示

繡衣持斧日邊來語我天官召汝回好竭臣忠思報
本重煩 聖慮自掄才書緘先寄彭城便舟下休忘
灑瀕危長念初離偏去遠從今咫尺是蓬萊

東胡商用

十日不見商山翁橋南橋北俱窄逢碧梧翠竹春江

田漢先生詩集
外黃卷青燈在雨中泮水曾蒙往教力國史亦賴搜
求功我始相聞幸和郟杖藜母惜時過徙

次宋伯循見示秋收後作韻二首

此老居山豈爲畊外人剛道一塵氓延年合藥仙方
古永日橫經易學明放犢徑中苔任滿種魚池底水
教平喜聞早遂農家願南畝東阡頗有成

養得黃鷄啄黍秋釀成白酒醞如油稻畦獲了須回
棹詩卷評來只倚樓會見晨星初落落何妨暮景蓋
休休瓦盆已老兒孫長爾汝偷閑取次謀

次啓晦姪早朝韻

腐儒安得識天顏咫尺丹門曙色寒
貔虎摩肩趨甲仗蠻夷椎髻服衣冠
詔頒書籍勤中使樂侑瓊羞進
大官似汝才華知不忝早陪鶴駕侍金鑿

贈地師彭仲武

坤勢奔騰萬象殊陰陽理合氣相符
昔聞白水興王業今見金陵屬帝都
羨子已歸華表鶴人生咸願首
丘狐彭郎自是錢鏗裔肘後青囊世所無

病中得長兒潛書至自北京喜而賦此因便書

示潛凡二首

瀟然卧病室南隅，賴有諸孫問起居。
原自閭閻踪跡少，轉於朋舊笑談踈。
餘年止飲瓢，應棄近日粗安藥。
未除底事老懷能慰藉，扣門人送北京書。
書來萬里報平安，抱病胸懷取次寬。
首報遠夷俱入貢，中期老父倍加飡。
新分馬乳偏能飲，舊賜貂裘不怕寒。
兼說令官多迹作，賦成早晚寄來看。

五言絕句

窻下

月落窻中暗，月來窻外明。
直深風弄葉，疑是有人行。
題畫四首

吹笛

草綠春風轉，花濃夕照曛。
翠華門外度，鳳吹杳難聞。
題扇

鈿合收殘黛，香風吹綠衣。
閑來消永晝，非是效班姬。
題葉

秋早繡裳寒，霜清宮樹丹。
不教寄流水，題與小娃看。
琵琶

明善先生詩集
金屋漸黃昏香凝錦幄溫未會辭漢苑哀怨與誰論

題紅梅

貞態由來自輕紅故惱人莫將桃李比別是一枝春
題冷載陽小景四首

朝回典却衣酒債仍常有何處寫幽懷村村是花柳
天下已歸周一竿果何釣挾策向君門莫待非熊兆
宮商初不解敢謂無知音欲得林中趣冷二絃上心
獨往意甚佳興闌良可惜胡不造衡門寒爐一相郎
七言絕句

迎祥觀

石逕雲深長綠苔仙家樓臺絕纖埃空庭盡日無人
到山鳥窺簷時下來

題雪竹紅梅

兔園酣宴侍梁王翡翠簾垂錦幄張銀燭燒殘天不
曙佳人隊隊舞霓裳

題畫圖

樓臺深倚白雲隈一澗縈迴出洞來自古神仙求不
得劉郎有路到天台

題沈令尹小景

笑殺陶潛歸去休
潯陽江上棹扁舟
如今令尹新承寵
卓魯功名到白頭

題扇

湖水湖山六月清
畫船曾向越中行
采蓮一曲歌聲散
醉看流雲席上生

題章琳扇

嫦娥飛來丹桂香
乘鸞舞女素羅裳
廣寒漸遠天似水
風露滿身宮漏長

題畫竹

祇見鳳毛高數尺
豈知龍尾合千尋
有時客報平安字
綠泛深杯風滿林

題竹爲一槎作時初生子

此君老節已蒼蒼
猶解飄翩引鳳凰
若箇龍孫能似玉
他年會見拂雲長

題鷹

長楊材官臂來時
駕前去雲呼健兒
草間狐兔不日盡
勇銳如此傾城知

題郭思彥畫 號閉樂

北郭先生樂自閑坐聞天籟晝珊珊興來也解傾佳釀名擬風流兩晉間

杏林圖

夫子教人種杏花于今統屋是丹砂遊橋野叟如相問不比尋常賣酒家

題楊思貽竹

風雨蕭蕭抵一枝此君高節苦難持于今鳳尾凌霄漢會見龍孫滿眼時

題吳傑扇

輪輪困困一片雲非州非嶂白紛紛山人不敢自怡悅千里殷勤持贈君

哇樂先生詩集終

對千里烟樓詩韻序

解解困困一引雲非非霖白餘餘山人不效自出
歐其對其

世樂先生附錄目錄

梁先生墓誌銘

楊士奇

少師大學士

處士梁公墓表

胡廣

左春坊大學士

和梁先生病中示子詩

原韻見前七言律詩內

鄒緝

翰林侍講

魯葵

翰林學士

王英

翰林修撰

沈度

翰林檢討

林環

翰林侍講

李時勉 國子祭酒

王洪 翰林檢討

余鼎 翰林修撰

朱紘 翰林編修

許翰

書哇樂先生示子詩後

和梁先生病中示子詩後

鄒緝 翰林侍讀

魯榮 翰林學士

王英 翰林修撰

沈度 翰林檢討

林環 翰林侍講

李時勉 國子祭酒

王洪 翰林檢討

余鼎 翰林修撰

朱紘 翰林編修

許翰

王洪 翰林檢討

目錄
蘇伯厚翰林編修

吳均 中書舍人

王偁 翰林檢討

高廷禮

督學道詹序

續刻家集彙編小引

畦樂先生詩集附錄目錄終

畦樂先生詩集附錄

梁先生墓誌銘

楊士奇 少師大學士

永樂八年七月廿又六日西昌梁先生卒邑之賢士君子皆奔走哭弔塵市郊野之氓多咨嗟傷悼亦有趨赴號慟不能自己者中外縉紳大夫知先生者聞訃亦多歎息有作為詩文以泄其思者梁先生何以得此於人哉按先生諱蘭字庭秀別字不移其先唐長壽中由長沙徙西昌入世祖均崇仕宋為鳳翔知府與其弟黃州府同知克史館編修官均傑皆有名

於世時曾祖蕃登景定三年進士由太常博士歷知
宣撫二郡祖才可父彥卿號心易母楊氏元新喻州
判官丹雲之子生三子先生其仲也自幼莊重警敏
七歲入小學讀書究文義已有端緒心易公奇之稍
長授之經益磨淬自勵雖盛寒暑不懈未幾元季兵
亂父兄相繼沒世獨與弱弟奉老母處貧困狀能適
其母之意如未嘗困也而奮力於學不廢
皇明混一天下授徒里中以資奉養教其子明經傍
行恒語之曰今幸遭

明時沐浴乎之澤苟可苟焉自逸忘所報施長皆命
之仕戒之曰士貴有益世用非徒資利祿苟榮其身
而已長子潛歷宰陽江四會陽春三邑入爲翰林修
撰兼右春坊右贊善次子混歷訓導瑞州府學教諭
溧陽縣學先生東西往來就養有輕暖甘脆之奉賓
客之娛可以自樂二子亦冀以此樂其親先生嘆曰
盍求樂吾之志可也而察其居官所爲皆當其意私
竊自喜謂曰惟罔不克有終以辱

國命貽我羞吾獲歸守先人丘墓以咏歌太平盡吾

之天年吾樂不既多乎其子強留之不可既歸日與
故人朋友尋山水之樂命酒賦詩任意所適於邑西
柳溪之上闢畦蔬種植花竹引泉灌注而築室其中
游焉息焉觀道玩微道播自得作畦樂詩數篇時歌
以自適狀猶數賦詩寄其子勉以盡忠不置也既得
疾即謝醫藥曰至乎此命矣疾革命侍史具盥盤起
沐浴又命取深衣幅巾家人請所欲言曰葬祭以禮
不一語及它事卒年六十有八性儉素自少壯至于
老死耿介一節博學明識教人以五經四書爲本若

左氏以下暨荀楊劉向之徒所著書必爲辯析是非
孰之當取孰之當去諸生聽先生講說旨義條達精
到皆忻忻如得甘食爲文簡而婉詩馳騁魏晉而冲
澹自狀有陶靖節之趣嘗曰士當立心高明尚友千
載庶幾不墮庫廩居家未嘗疾言遽色而家政肅狀
與鄉人處無踈戚老少皆得其敬愛有窮乏者亟賑
之或貸不能酬折其券爲人排紛解難未嘗求知有
知而謝之輒辭皆以爲當狀夫爲梁先生如此所以
得於人豈偶狀之故也初心易公出後鍾氏故先生

嘗從鍾姓既而梁氏之後絕潛乃以先生命請于朝復梁姓云娶陳氏有令德二子即潛混孫男五女六曾孫男二先生沒時潛以扈從留北京混官溧陽皆不在側是年冬始克奔喪歸將卜明年九月日葬于邑南某鄉某原先事以狀屬士奇爲銘士奇於先生有世好且少嘗從受詩法知先生爲深義不敢辭蕪陋不銘爲之銘曰

五色鮮好被厥躬緼仁持義履造中力探姬孔辨况雄指示嘗路開瞽矇有嗣登志諧奮庸金春石應歌時雍消搖相羊臻考終澄江之南馬鬣封珠詞幽堂永弗罄

處士梁公墓表

胡廣 左春坊大學士

永樂八年冬廣

扈從北還道聞處士梁公卒甚悼之至京師之又明日首弔公之子潛潛哀毀痛傷形容骨立越旬日得請歸塋述公行寔命廣爲文以表于墓廣與潛同寮凡兩迎公就養幸竊見知於公公嘗賦畦樂詩屬廣和之其氣冲和雅澹得陶柳之趣嗚呼此可以見公

之學與所養矣公諱蘭字庭秀一字不移先世由長沙徙泰和九世曰均崇仕宋爲鳳翔知府翁均傑同知黃州府入克史館編修官居縣之東郭聲望甚著五世至蕃舉進士自太常博士知宣州改撫州蕃生才可才可生彥卿一字心易學者稱心易先生先生三子長庭芳次郎公幼仲敏時里鍾謹獨爲梁氏甥無子以公後鍾氏公自幼穎敏好學七歲侍父側命與諸子屬對公應聲立就而語益奇餘子不能及大見稱賞稍長心易授以易得其說探索玩味有所未究雖祁寒盛暑不休元季值兵亂父兄皆歿公獨奉母夫人楊氏撫訓幼弟雖處困窮而不易其樂公小心謹厚處鄉里惟恐有失意於人恒懇二語人爲善嘗出直歸遇里人訴其怨家語憤切不能平公反覆開喻至家少頃聞扣門聲亟啓戶視之乃向怨家子拜公曰人訴吾父於公公始終好言以解之吾躡其後歆外之公長者忍以此累公明日持纒來謝公弗受其忠厚類如此長子潛以蒼溪文學被薦爲四會尹入翰林爲修撰兼右春坊右贊善次子混初教于

瑞州調溧陽文學公每以書付二子必勗之以道德
故潛爲宰有政聲入翰林以學問名于時爲儕輩所
推重混謹飭循雅優於經學與兄齊名士出其門者
皆底有成凡鄉邦之稱善教善承者必曰公父子焉
以梁氏無後命潛請于

朝復梁氏姓君子以公爲盡禮晚喜林泉之逸日杖
履相羊於花竹間種畦植圃觀物生意以適其適因
自號爲畦樂翁學者稱爲畦樂先生教鄉人子弟精
於講說推明反覆引譬切當透徹隱微聞者悅悟爲
文簡而有法詩益閒曠有油膩自得之趣喜飲酒客
至輒傾倒醉而後止諸孫侍側懽欣自娛不以二子
遠去有毫髮感感意時潛被

召在北京公賦詩二章以勉潛盡忠乃職公時疾已
劇遂屏去醫藥賓客來問疾命取酒飲客尋命爲深
衣幅巾曰以此歛我臨終問日早莫對以晚食時即
盥沐更衣而坐肅然而逝乃七月廿六日也生元至
正癸未享年六十有八配陳氏賢而有婦道子二人
潛字用之混字本之云

大帥中曰以世效外副錄問曰早莫權以卿食報明
陳道執去習藥宜家來問疾命取漸州容奉命為第
台并北京公規藉二章以故替盡忠八鄰公報疾日
去去百學變恐恐意扣帶姪

至神則則報而對土請將計問難知自默不以二千
又簡而休去昔蓋則則亦出州自計之賦喜對所容

畦樂先生示子詩叙

翰林修撰梁君用之之來

北京也其尊府君畦樂先生嘉其子遭逢

聖明列職禁近當

聖天子巡狩方嶽綏撫萬國躬預扈從之榮因人北
來遺之詩二章以慰其思用之既得而讀之又竊自
悲不獲晨夕以養而莫克宣其思也示諸同寮之士
和之既成帙將復乎先生而先生已告逝矣用之悲
痛頓絕又以為親之遺訓必有以傳諸後也則屬余

叙之嗚乎余尚忍叙先生之遺文也邪先生以清持
碩學隱德弗仕訓教其子讀書問學使奮朕以儒業
進蜚英鄉邦策名

天朝游外郡邑超擢乎法從之貴文章政事卓朕爲
時聞人以有名于天下先生方優游消搖養高丘園
時摠其幽遠之思著爲歌詩曠朕有古高士之節至
斯詩尤溫厚慈愛藹如也豈非有德者之言哉昔者
孔子刪詩凡可以感人心厚倫理者雖閭房里巷之
詞皆筆而著之爲後世訓若斯詩者於父子之道尤

著也其可以無傳哉詩曰雖無老成人尚有典刑耆
賢碩儒日益凋落後生晚學不獲親炙左右徒誦其
語言于遺編斷帙之間其又可勝悼哉此余于先生
所以感慨而不能已也故竊叙而傳之若諸君子之
詩皆一時名士可傳而誦者有不待于余之言也

永樂八年冬十有一月既望翰林檢討錢唐王洪序
和梁先生病中示子詩 原韻見前七言律詩內

鄒緝 翰林侍講

西昌畦樂先生梁君不移隱居田里養高樂道日以

詩酒自娛其詩冲澹閑雅常有自得之趣予每得而愛之去年秋其子翰林修撰兼春坊贊善用之與予同赴召來北京先生既念其去之益遠而不能忘于懷也因形諸歌詠賦詩二首且書以寄示用之用之以先生之不忘于懷而欲有以慰先生之思也俾予使屬和予以先生父子相念之意得天倫之真而其間文辭學術之懿又有非他人所能及是爲人所羨慕者故不揆辭之鄙輒僭和于後庶幾先生得而讀之知其子之思念其親者亦不異於先生云

燕臺南望楚天隅清絕先生好隱居歲晚獨嗟諸子遠老來偏念故交疎郊原養息身無累藥物扶持病想除偶向賢郎問鄉信喜言近日有安書

詩律年來擬建安雅懷應羨獨能寬甕頭秋酒徒朝醉籬下秋英每夕飡迢遞江南烟月晚蒼茫剡北暮雲寒雖知卧病依田里猶有新詩寄遠看

曾蔭 翰林學士

相思遠隔楚天隅習隱澄江舊卜居祿養也知隨處好適從頗覺到城疎能詩對酒才應健扶老加飡病

已除令子玉堂懷觀省南京傳得寄來書
迢遞天涯憶問安開緘頓覺旅愁寬
柳依門逕看猶在荀熟隣家醉亦冷
快閣暮鍾江上起薊門春樹雨中寒
報書早晚還家日白髮高堂自把看

王英 翰林修撰

陰陰榆柳滿城隅官舍清幽似隱居
深巷烏啼春過盡閉庭草長客來疎
思親遙望孤雲度扈蹕俄驚一歲除
昨在燈光頻報喜朝來已得萬金書
親闈書報病初安扶杖看花意自寬
只買山田閑種

秋因貪棋局更忘食庭中客散春烟暝
谷口雲歸暮雨寒猶有江湖千里念
新詩傳到玉堂看

沈度 翰林檢討

白髮棲遲楚水隅條狀無事樂閑居
興來只愛琴尊好老去何妨禮法疎
采采黃花深雨露蕭蕭紅葉滿階除
遙知燈火新涼近親課諸孫在讀書

世說龐公肯遺安先生自信老懷寬
香醪貯甕供時飲新筍克盤待曉食
芳草斜陽留暮景長河歸鴈帶霜寒
玉堂有子遙相憶更寄音書日下看

附錄
林環翰林侍講

令子才名動海隅客邊長是惜離居夕陽江上孤雲
遠春雪城邊迢遞鴈踈花外漏聲傳禁籞雨餘草色上
堦除朝回相見時相語近日人來已得書

衡門卧病喜初安老至還聞頗自寬
逕草春深隨晚步江魚秋美足朝飡
天低野樹蒼烟合門對溪流白
日寒書到薊城應萬里玉堂公暇每傳看

李時勉國子祭酒

綠楊三徑傍溪隅溪上連山對隱居
病後新詩隨興得老來華髮逐年疎
鳴琴窗外花初落行藥堦前草不除
令子自傷違別人逢人多有寄回書

乍聞久病近來安旅邸愁懷覺自寬
鷗鳥晝閑隨遠興鱸魚秋美入嘉飡
江南芳草生殘雨薊北歸鴻帶薄寒
祇想青山江上路夕陽移杖獨行看

王洪翰林檢討

令子聲華動海隅若爲千里嘆離居
魚憑海水來應遠鴈識春風到豈踈
白髮山中營舊業紫泥天上賀新除
遙知俗客多廻駕獨著名賢訓子書

諸孫日日問平安一任虛懷老去寬青嶂月來陪直
酌醴泉魚出奉晨殮門前草色連雲綠樹底江聲帶
雨寒聞說新詩多感遇可煩千里寄來看

余闕
翰林修撰

幽齋近倚碧山隅絕似南州孺子居適與丘園吟思
苦忘情江海夢魂踈月臨松館暮初罷春滿池亭草
不除遙憶賢郎扈

仙蹕塞鴻千里忽傳書

朱紘
翰林編修

北京官舍近城隅一榻蕭然若隱居客裏壯懷還自
放尊中綠酒未教踈晚來退直金門下晨起趨朝
玉殿除却憶林泉多逸興雙魚忽報數行書
宦轍年來也自安兩京遊歷客懷寬文章豈足追前輩事
業無成歎素飡久別多應違笑語壯年殊未怯風寒
忝陪令子時賡和只恐難禁老眼看

許翰

天北天南限一隅仙翁迢遞喜離居詩篇謾向春來
寄藥裹遙聞病復踈華髮無心閱世事斑衣有夢在

庭除莫年清健真難得芳扎還經手自書

萬里書來喜報安閒居心事亦何寬看花不廢新年
賞扶老還加少日餐林下課孫惟尚禮天涯念子獨
憐寒慙知晚節如翁少宜向香山社裏看

書畦樂先生示子詩後

右詩二章翰林修撰蕙春坊贊善梁潛尊公畦樂先
生病中得潛書寄示之作間以示余余得而誦之既
愛其蕭散閒澹之趣悠然于篇詠之間居之安而守
之約復嘉其骨肉天性之真藹然于睽離之表喜之

至而樂之深也狀誦之再四感念益增儼罪負孤苦
之人也尚憶二三年前嚴訓教載無月不勤不肖鴛
鈍寔孤先德今抱無涯之戚而手澤之悲何有極耶
以余之所慕而不可得修撰見得之以樂其天倫視
子之不可得者而愛日之心當何如其切也詩云孝
子不匱永錫爾類予焉得不於是而有感焉

永樂八年夏六月朝列大夫國子祭酒蕙翰林侍講
豫章胡儼書

和畦樂詩

王洪翰林檢討

附錄
索居南野外頗於人事疎灌木蔭前庭隙地數畝餘
蔬果因時藝駕言理其蕪聊以足晨夕過茲奚所須
固窮諒吾分貪得寧匪愚糗草而終身樂哉常晏如
前畦榮晚菘後畦鬱新葵感茲時物嘉濁酒聊自持
青山繞我屋涼颺吹我衣今辰不爲樂問問將何施
大化不可測吾生豈無涯緬彼沮溺賢茲心不吾欺

蘇伯厚 翰林編修

青山繞我屋垂柳蔭我門來往絕塵鞅世事邈不聞
鄰曲衣褐徒時復相與言孰云生計拙亦有數畝園

清晨荷鋤去除彼蔓草根但使無饑饉豈惜筋力勤
濯足清澗濱矯首觀飛雲床頭有濁醪欣然自開尊
盤飧襍瓜蔬童稚笑語喧醉卧松簷下焉知賤與貧

吳均 中書舍人

達士安所樂治生樂畦圃居止次樂郊畊鋤資樂土
春社樂枌榆秋場樂禾黍見勤樂詩書朋來樂尊俎
樂味止佳蔬樂飲惟清醕已知樂有餘孰謂樂無補
樂詠停雲章樂逐風雲舞頽仰樂天倫聚會樂鄰伍
至樂忘險夷獨樂超今古樂矣復何疑樂哉真得所

王偁翰林檢討

平居無俗韻，恥樂在丘樊。春至灌木滋，鳥雀遶舍喧。
感茲時物榮，因以窺我園。我園在崇丘，穢蕪日已蕃。
辛勤理町畦，倦來荷鋤還。明月照墟里，華門猶未關。
妻子念我饑，當筵具盤飧。一觴偶獨坐，放懷聊自寬。
高醜發新譎，不知險與艱。春陽釋土膏，百卉榮且敷。
時雨條已至，兼之泉脈舒。閉居何所樂，恥樂農圃餘。
凌晨荷鋤往，蕪穢一剪除。披榛理新條，隙地還藝蔬。
群雀噪我傍，饑鳥行哺雛。感茲物性微，促刺良不紓。

歸來洗懷抱，聊以倒一壺。何必役名利，終年抱區區。

高廷禮

梁鴻身不仕，白首秬閒居。簪紱心無繫，丘園樂有餘。
青山長繞屋，流水自通渠。不鄙樊生學，時看穆氏書。

右一

疎籬通野水，曲徑入墟烟。昨在東風過，春光滿眼前。
晚菘擎羽扇，寒橘耀金圓。共遂生成意，應全草木年。

右二

生涯安有分，心事澹無營。隙地存耕在，長畦涉趣成。

附錄
帶經高士至抱甕丈人行共話茅簷夕山尊待月傾
右三

顏巷一簞貧陶門五柳春昔賢懷世器今我樂天民
柳暗春踰夏鳥啼夜向晨青山看不厭白髮幾回新

右四

青原雄楚甸川岳舊鍾靈世業敦儒行家傳教子經
鳳毛驚豹變鶴髮等龜齡此樂同霄壤吾生任醉醒

右五

畦樂先生贊

有序

畦樂先生姓梁字不移吉之泰和人性冲澹不汨於
世波非聖賢書不讀對客若弗能言元季天下亂遂
託意於詩而嘉遁焉嘗自謂雕績浮艷之作足以取
悅於俗眼而不滿夫有道者之一哂三百篇後性情
之和者惟靖節一人故先生之詩徃徃埒靖節高閒
雅澹若出一口人皆稱先生効之得其妙殊不知先
生之性情出處與靖節同也古之君子論靖節之詩
出於應璩并協左思風力夫靖節之高本乎性情彼

二子未免於求麗終求麗則非靖節矣畦樂先生之詩其殆於不求麗而自朕者乎矧其清風懿德默契靖節於千載之上乎先生之子潛官翰林與余爲同寮因爲之贊曰 彼美君子矯 二弗群性萃天和澹而有文昔當元季洪飈扇海邊蹈獨游戢其光彩恒論古人靖節目期高紹其風適意於詩其詩伊何弗績弗浮逍遙一畦以道是求陶不可得先生可識風軌德音播之無斁

永樂二年七月望日翰林侍讀學士錫山王達頓首拜撰

與子聯嫺好生年共一句爲人七喪壽去世五年春漢魏詩存藁丹青像逼真乍看疑入夢久對欲通神二子文章達諸孫學業新嗟君留福澤愧我尚風塵落月空吟句頽波莫問津悠悠滿懷事搔首付蒼旻
嫺末王伯貞稽首
瓊州知府

畦樂先生附錄終